



SINDICATO DE TRABALLADORAS E TRABALLADORES DO ENSINO DE GALIZA

www.stegsindicato.org

A CORUÑA-SANTIAGO Avda de Coimbra 15, local. 15704 / tfno-fax: 981580700

LUGO Rúa Bolaño Ribadeneira, 20-2ºB. 27001 / tfno-fax: 982240066

OURENSE Rúa S. Domingos, 60; gal. Xesta-entrechán, 1. 32005 / tfno-fax: 988252323

PONTEVEDRA Rúa Eduardo Pondal, 3 entrechán. 36003 / tfno-fax: 986857545

Desde o STEG queremos animarvos a que desde as direccións dos centros, os EDNL, e o conxunto do profesorado, se promovan iniciativas encamiñadas a ofrecer unha información rigorosa a toda a comunidade educativa ao redor da enquisa que a Consellaría de Educación se propón facer a nais e pais sobre o emprego do galego no ensino. Entendemos que a campaña mediática realizada, ofrecendo unha visión distorsionada da realidade vivida nos centros educativos, e o propio deseño da enquisa, están encamiñadas a obter un suposto respaldo social para xustificar medidas involutivas respecto ao emprego do galego no ensino. Entre as medidas que suxerimos:

- **Asumir desde os centros a impresión e o envío ás nais e aos pais o díptico “As linguas suman”, realizado pola CGEDNL.**
- **Realizar charlas informativas entre as nais e os pais respecto á redacción da enquisa, ao tempo que se lle explica a realidade vivida no centro respecto ao ensino en galego. Axuntamos de novo as reflexións sobre a presenza do galego no ensino que elaboramos desde o STEG para facilitar a preparación destas charlas.**
- **Realizar entre o alumnado charlas explicativas sobre o contido e os obxectivos da enquisa, para promover valores democráticos de reflexión sobre decisións que afectan a toda a sociedade.**
- **Envío a nais e pais doutra “enquisa” que anexamos, para informar ao conselleiro do que opinan respecto a moitos outros aspectos que afectan ao sistema educativo.**

Consideramos, ademais, que se lle debe dar a máxima difusión posible á valoración enviada pola Coordinadora Galega de EDNL, que reproducimos



SINDICATO DE TRABALLADORAS E TRABALLADORES DO ENSINO DE GALIZA

www.stegsindicato.org

A CORUÑA-SANTIAGO Avda de Coimbra 15, local. 15704 / tfno-fax: 981580700

LUGO Rúa Boloño Ribadeneira, 20-2ºB. 27001 / tfno-fax: 982240066

OURENSE Rúa S. Domingos, 60; gal. Xesta-entrechán, 1. 32005 / tfno-fax: 988252323

PONTEVEDRA Rúa Eduardo Pondal, 3 entrechán. 36003 / tfno-fax: 986857545

íntegra, como resposta democrática a un intento claro de manipular á opinión pública.

BREVE VALORACIÓN DA ENQUISA DA CONSELLERÍA DE EDUCACIÓN

A enquisa que a Consellería de Educación e Ordenación Universitaria pensa distribuír esta mesma semana entre as familias a través dos centros educativos é pouco rigorosa e mostra un grande descoñecemento tanto da sociolingüística coma do mundo do ensino, o que nos parece aínda máis grave.

Por poñer un exemplo, non existen materias troncais no ensino non universitario, esta é unha terminoloxía do ensino universitario. Polo tanto, o señor Conselleiro debería saber que o que hai son materiais obrigatorias e optativas, propias de modalidade ou non. É así que non vén a conto empregar o termo “troncais” porque non hai unhas materias máis importantes ca outras, todas teñen unha misión educativa global.

Centrándonos na cuestión da análise sociolingüística, nunha breve análise podemos observar:

1. En qué documento, lexislación, tratado, artigo ou normativa aparece recollido o dereito a escolleren os pais e as nais a lingua da docencia dos fillos? Porque si existen moitos outros dereitos que as persoas, na maior parte dos casos, non poden exercer, por exemplo o dereito a seren atendidas en galego na Xunta de Galicia cando o soliciten.

2. Estase preguntando sobre un dereito, “o dereito de coñecer o galego”, fallando na metodoloxía, porque tal e como están presentadas as preguntas non fai falta



ser moi experto para darse conta de que o que se extraia de aí non pode valer para moito e menos para facer un novo decreto. Porque? Nas opcións de resposta vemos:

- **“todo en galego”** que non se refire a todo o ensino en galego, senón a tódalas materias, que na enquisa se denomina troncais, en galego.

- **“a maioría en galego”** (que é a maioría?: o 52% ou o 95%),

- **“unhas en galego e outras en castelán”**, a xente pode pensar que esta é a mellor resposta porque indicaría o 50% e iso non é certo. Se queremos que o 50% do ensino estea en galego hai que contestar **“todas en galego”** que é o que marca o actual decreto.

3. Tampouco é fiable xa que **non presenta as mínimas garantías** de calquera consulta para que os resultados sexan cribles. O universo da investigación parece que vai ser todo, pero, como o van garantir?

- A cantos pais e nais lles vai chegar? Nestas alturas de curso, como van facer para que o alumnado entregue na casa a enquisa e a traia de volta no prazo duns días. Ademais, como van asegurar que a enquisa a van contestar os pais e as nais que deban facelo?

- **Cantos pais e nais van contestar?** Os concienciados dunha ou doutra banda, pero vai ser fiable se só contesta un 10% e esa porcentaxe está nutrida maioritariamente por pais das urbes, por exemplo, para ter algunha fiabilidade



A CORUÑA-SANTIAGO Avda de Coimbra 15, local. 15704 / tfno-fax: 981580700

LUGO Rúa Bolaño Ribadeneira, 20-2ºB. 27001 / tfno-fax: 982240066

OURENSE Rúa S. Domingos, 60; gal. Xesta-entrechán, 1. 32005 / tfno-fax: 988252323

PONTEVEDRA Rúa Eduardo Pondal, 3 entrechán. 36003 / tfno-fax: 986857545

debería haber unha mostra estratificada que cubra a diversidade sociolingüística da sociedade.

· Déixase a distribución e recolla en mans de direccións que no final de curso están sobrecargadas de traballo.

· **Pregúntase aos pais con fillos escolarizados en xuño de 2009** mais non aos que van entrar no sistema en setembro. Contestan os pais que tiveron fillos neste curso que vai rematar dos que parte non van estar escolarizados no vindeiro curso? Por que non se lles pregunta aos pais que van escolarizar rapaces para o vindeiro curso?

4. Pretenden facer un referendun? Para iso habería que facer outras preguntas e formulalas de modo diferente. **O que se cadra era interesante preguntar era se os pais consideraban importante que os seus fillos/as ao rematar o ensino obrigatorio fosen competentes nas dúas linguas oficiais en Galicia, con dúas opcións de resposta: Si ou Non .**

5. **Non houbo unha campaña de información rigorosa previa.** Non se deu.

Prevalece a propaganda mediática que tivo e ten intencións políticas máis ca educativas. Non se lles pode mandar ós pais e ás nais que contesten unha enquisa con tantas “eivas” nun momento de “marexada” informativa, cando ademais falamos dunha poboación que está chea de prexuízos cara ó galego derivados en moitos casos da represión lingüística que sufriu o galego ata os anos 80.



SINDICATO DE TRABALLADORAS E TRABALLADORES DO ENSINO DE GALIZA

www.stegsindicato.org

A CORUÑA-SANTIAGO Avda de Coimbra 15, local. 15704 / tfno-fax: 981580700

LUGO Rúa Bolaño Ribadeneira, 20-2ºB. 27001 / tfno-fax: 982240066

OURENSE Rúa S. Domingos, 60; gal. Xesta-entrechán, 1. 32005 / tfno-fax: 988252323

PONTEVEDRA Rúa Eduardo Pondal, 3 entrechán. 36003 / tfno-fax: 986857545

Para rematar: **fará a Consellaría máis enquisas sobre temas fundamentais como a ratio de alumnos/as por grupo, a necesidade de persoal de apoio nas aulas ou pola seguridade nos autobuses?** E se pregunta sobre o gasto en biblioteca por centro ou o financiamento dos comedores escolares?

Tirado da carta-presentación do tríptico informativo da CGENDL